


Euskal AEko gizarte-zerbitzuetako gastua %15 hazi zen 2001ean

BPGaren ehunekotan, %1,9 hartu zuen, 2000n baino 2 hamarren gehiago

Euskal AEko gizarte-zerbitzuetako gastua, 2001ean, 789 milioi eurora iritsi zen, aurreko urtean baino %15 gehiago, hau da, Euskal AEko BPGaren %1,9. Biztanleko batez besteko gastua 382 eurora iritsi zen, Eustaten datuen arabera.

Herrialdeka, 2001ean, gastua %20koa izan zen Bizkaian, %12 Araban, eta %8koa Gipuzkoan. Dena dela, biztanle-kopuruaren arabera, Arabak gainerakoek baino gastu-maila handiagoa du; izan ere, biztanleko 473 euro gastatzen ditu batez beste; Gipuzkoan, 382 euro, eta Bizkaian, 359 euro.

Biztanleko gastuaren bilakaera gizarte-zerbitzuetan



Iturria: EUSTAT

Gastu-kontzeptuka, zerbitzuak ematera bideratutako gastu arruntak 587 milioi eurokoak izan ziren (%+14). Familiak diruz laguntzeko programek (gizarteratzeko gutxieneko diru-sarrerak, kontribuzioez besteko pentsioak, etab.), berriz, 165 milioi hartu zituzten guztira (%+16). Sektorean egindako inbertsioa 37 milioira igo zen (%+15).

Gizarte-zerbitzuen finantzaketa publikoak guztizko gastuaren %70 iritsi zuen (554 milioi euro) eta biztanleko 268 euroko gastua suposatu zuen. Finantzaketa pribatuko iturri guztiek gainerako %30 ekarri zuten; eta horien artean, familien laguntza

aipatu behar da, jasotako zerbitzuengatik familiek egin zituzten ordainketek guztizko gastuaren %12 hartu baitzuten (95 milioi euro).

1. taula: magnitude nagusien bilakaera

	2000	2001	Δ% 01/00
Gastua (mila euro)	688.720	789.051	14,6
- Gastu arruntak	514.221	587.307	14,2
- Familietarako transferentziak	142.079	164.562	15,8
- Kapital-gastuak	32.420	37.181	14,7
Gastua/Biztanleko (euro)	332,8	382,1	14,8
Gastua/BPG (%)	1,7	1,9	8,7
Finantzaketa			
- Finantzaketa publikoa	477.444	553.892	16,0
- Finantzaketa pribatua	211.275	235.159	11,3
Giza baliabideak			
Langileak guztira	28.437	29.258	2,9
- Bertako langileak	14.995	15.804	5,4
- Bertako langileak (DOB) (1)	13.832	14.597	5,5
- Borondatezkoak	13.442	13.454	0,1
Material-baliabideak			
- Izakunde-kop.	1.110	1.159	4,4
- Zentro-kop.	2.112	2.215	4,9
- Egoitza-kop.	575	603	4,9
- Egoitza-plazak	15.699	16.184	3,1

(1) DOB: dedikazio osoaren baliokidetzan

Fuente: EUSTAT

Sektore honek, guztira, 15.804 landun izan zituen 2001an, landunen guztizkoaren %1,9; haien artetik, %67 emakumezkoak ziren. Gizarte-zerbitzuek, gainera, 13.454 borondatezko eduki zituzten, eta talde horrek musu-truk egin zuen lan sektorean. Zuzeneko atentzioko 4.819 langile azpikontratuak kontuan izanik, enplegu-zifra %30 gehituko litzateke; langile azpikontratatu horien erdiek etxeko laguntza-zerbitzuaren erabiltzaileen etxeetan egin zuten lan.

Euskal AEk 2.215 zentrok osatutako zentro-sare zabala izan zuen, eta guztietan egin ziren gizarte-prestazioak

Zentro-mota askotarikoen artean, zerbitzatutako behar-motaren arabera sailkatuak, talde nagusia egoitza-zentroez (%27) osatua izan zen (zahar-etxeak, etxegune funtzionalak, iragaitzazkoentzako aterpe-etxeak, etab.); guztira, 603 egoitza, eta 16.184 plaza. Zentro-multzo horrek 6.723 langileri eman zion lana, eta 276 milioi euroko gastua izan zuen (guztizko gastuaren %35).

Gastuaren %30 hirugarren adineko zentroetara bideratu zen

Gizarte-zerbitzuak jasotzen dituzten biztanleria-taldeak kontuan izanik, hirugarren adinak 975 zentroko eskaintza eduki zuen, eta haietan 237 milioi euroko gastua egin zen, guztizko gastuaren %30.

Guztira, 305 egoitza-zentro daude, eta haietan zaharrentzako 12.125 plaza eskaintzen dira, hau da, plaza bat 75 urtetik gorako 13 biztanle bakoitzeko. Gastu-bolumena 206 milioi eurokoa da, aurreko urtetan baino %13 gehiago. Gainera, sektore pribatuak gero eta presentzia handiagoa du, eta hirugarren adineko egoitzen %69ra eta plazen eta erabiltzaileen %54ra iritsi da.

Zaharrentzako eguneko zentroak gero eta alternatiba sendoagoa dira zaharrentzat, egoitzetan sartu beharrean, zeren egunean zehar behar dituzten zaintzak eskaintzen baitizkiete. Egun diren 76 zentroek (%+10) 1.611 plaza (%+8) eskaini zituzten. Enplegu- eta gastu-zifra txikiagoak izan arren, erretiratuen 330 klubek eta 240 elkarteek, guztira, 344.667 bazkide hartu zituzten, oso errotuta baitaude gizartean.

Bestalde, eskaintza hori beste programa eta zerbitzu batzuez osatu zen. Programa horiek ez dira soilik hirugarren adinekoentzat, baina gutxi gorabehera 77 milioi euro erabili zituzten; horietarik, erdiak etxeko laguntzako zerbitzuan erabili ziren. Programa horiekin, hirugarren adinera bideratutako gastuak guztizko gastuaren %40 hartzen du.

2. taula: gastuaren bilakaera eta banaketa biztanleria-motaka

	2.000	2.001	Δ% 01/00
Gastua (mila euro uneko)	688.720	789.051	14,6
Biztanleria oro har	240.644	286.993	19,3
- Familietarako transferentziak	137.190	161.533	17,7
Haur-Gazteak	22.234	25.952	16,7
- Egoitzak	16.602	20.044	20,7
Zaharrak	210.793	237.494	12,7
- Egoitzak	181.937	205.739	13,1
Elbarriak	177.466	194.613	9,7
- Egoitzak	33.388	35.258	5,6
- Lanbide-zentroak eta EZB (1)	117.363	129.440	10,3
Emakumeak	3.228	4.008	24,2
Zokoratuak	34.355	39.991	16,4

(1) Enplegu-zentro bereziak

Fuente: EUSTAT

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1 01010 Vitoria-Gasteiz

Tlf:+34-945-01 75 00 Faxe:+34-945-01 75 01 E-maila: eustat@eustat.es

Harremanetarako pertsona: Matxalen Plagaro Alonso

Tlf:+34-945-01 75 46 Faxe:+34-945-01 75 01

Prentsa-oharrak Interneten: www.eustat.es